

# Hekyouz Ngoenzsinghgiz Bae Yauz-cai Daejniemh Minzcuz Funghcingz

## 游客周末体验瑶寨民族风情

8 nyied 8 hauh daengz 9 hauh, ndaw mbanj Ginhsiu Yauzcuz Swciyen Cangzdung Yangh Mbanjgucan caeuq Ginhsiu Cin Mbanjroekduenh nauhyied raixcaix, gyoengq hekyouz daj gak dieg daeuj haenx caenx rim diegdangz. Ngaiz daiz raez、ngaiz bak ranz、heiq ndawbiengz biujyienj daengj, hawj gyoengq hekyouz caennang daejniemh ndaej mbouj doengz minzcuz funghcingz Yauzcai.

Youq Mbanjroekduenh, gyoengq hekyouz ndaej yawjngonz gij ndangdaenj、gofoux yenzswngghdai Yauzcuz lai cungj lai yiengh, vanzlij ndaej yawj funghrug dahsau Yauzcuz, camgya Yauzcuz funghcingz hozdung “benzlaeuz doxraennaj”, gwn “ngaiz bak ranz” Mbanjyauz daengj, muenxcuk gyoengq hekyouz gij yienzfaenh Yauzcai Roekduenh.

Geij bi neix daeuj, Ginhsiu Yauzcuz Swciyen baengh seizndei aen hozdung laebbaenz Guengjsae aen yienh daegsaek lijyouz mizmingz haenx, gaenq guhbaenz Mbanjgucan、Mbanjroekduenh、Mbanjmung daengj Yauzcai swngghdai minzsuz vwnzva lijyouz funghcingz, gyoengq hekyouz daeuj daengz Ginhsiu, bae geij aen mbanj neix cungj ndaej caennang daejniemh daengz cungj feihdauh minzsuz vwnzva Yauzcai nyuenz miz neix. (Yiz Canghyungz/余昌榕)



▲ Hekyouz youq Mbanjyauz gwn ngaiz bak ranz.



► Benz laeuz doxraennaj.

### Gunghcwngz: Mbanjsesanh Ndae Senj Guh Daengx Guek Mbanj Okmingz Daegsaek Gingisaek Lijyouz

#### 恭城:社山村入选全国特色景观旅游名镇名村

Geij ngoenz gonq, Gunghcwngz Yauzcuz Swciyen Bingzanh Yangh Mbanjsesanh ndaej senj guh daengx guek mbanj okmingz daegsaek gingisaek lijyouz. Gaenh geij bi neix daeuj, aen mbanj neix gungh ok cienz 2000 fanh maenz guh lijyouz giekdaej sezsih gaijguh, bi'gvaq yinx ndaej hekyouz 10 lai fanh vunzbaez. Ndaw doz dwg geij ngoenz neix hekyouz youq gwnz giuzbingzanh byaij、youq gyangdah guhcaemz.



(Liengz Veih/梁辉 Hoz Ciyauz/何志瑶)

### Lungzswng: Lwghag Youq Baekging Doegsaw Sujgyaj Dauqma Ndaw Mbanj Bang Sonsaw

#### 龙胜:在京就读学子暑期回乡支教

Mboengqneix daeuj, gyoengq daihagseng Guengjsae youq Baekging Dayoz、Cinghvaz Dayoz daengj daihhag doegsaw haenx daj Baekging ma daengz Lungzswng Gak Cuz Swciyen Bingzdwngj Cin Gvangjanz Cunh、Caicinj Cunh daengj mbanjbya dieg gyaе, haiguh hozdung sonsaw lai cungj lai yiengh, daiq gij cihsiz caeuq angqyangz daeuj hawj gyoengq lwgnyez louz youq lajmbanj haenx.

(Veiz Gizyangz/韦吉阳 Cin Nwngzyen/陈能苑)



▲ Bouxgagnyienh daihhag-seng Cinghvaz Dayoz gwnz dangz sonsaw.

## Beixnuengx Song Hamq Docomz Angqhoh Ciet Bogfeiz

### 两岸一家亲 共聚火把节



▲ Beixnuengx song hamq humx youq henz bofeiz diuqfoux.



▲ Beixnuengx Daizvanh yienj foux minzcuz.

8 nyied 8 hauh(liggaeuq ndwenloeg ngeihcib seiq), Lungzlinz Gak Cuz Swciyen Dwzngoz Cin Baujsang Cunh Mbanjahgauj beixnuengx Yizcuz angqhoh ciet bogfeiz moix bi gvaq baez haenx. Ngoenzde, 42 boux Daizvanh Vahlenz vunzcojyouq canhfangidonz daeuj daengz Mbanjahgauj caeuq dangdieg beixnuengx Yizcuz doxcomz caez gvaq ciet, youh ciengq youh diuq, doengzcaez angqhoh aen ciet neix, yienh'ok gij cingzeiq beixnuengx minzcuz naekna. Hozdung dangngoenz yinx daeuj seiq mienh bet baih hekyouz ca mbouj geijlai 5 fanh vunzbaez daeuj daengz Mbanjahgauj camgya ciet bogfeiz.

Ngoenzde, beixnuengx song hamq doengzcaez hwnjdaiz biujyienj. Lungzlinz beixnuengx Yizcuz yienj go foux Yizcuz, beixnuengx Daizvanh hix yienj heiq foux yenzswngghdai minzcuz, ndei yawj raixcaix, gyoengq bouxyawj bekfwngz hemq ndei. Gaenlaeng, gij hozdung Yizcuz conzdungj ndawbiengz ciengj bawxmoq、aemq bawxmoq、daz najndaem daengj, beixnuengx song hamq doengzcaez camgya hozdung, yienhciengz nauhyied dangqmaz, cingzeiq beixnuengx naekna raixcaix.

(Linz Binh/林斌 Loz Mingzgauj/罗明考 Yangz Dwngghliengz/杨登良)